

König van Düütskland – Flöök of Segen?

Vivaldi hören de hele Dag, de Lottotahlen een Week vörher verraden, de hele Dag Robert Lemke kieken, verbeden, dat Socken un Autos stinken, reisen un Schampus drinken.... Dat allens hett sük Rio Reiser in de 1980er vörnohmen, wenn he König van Düütskland wurr – tominnst hett he daarvan sungen.

Enmaal König to wesen, eenmaal in 't Rampenlücht to stahn, eenmaal antosegen, waar allens lang gahn sall, well dröömt daarvan nich? Wat kann man as König na de olle Welt mit en Kroon up d' Kopp un en Zepter in d' Hand nich allens utrichten? Wi bruuden kien Politikere mehr, de hör Tied mit överlange Debatten verdoon un dann doch blot Kompromissen torecht kriegen, umdat kien Partei vandaag hör Patentrezept dörsetten kann.

Man kann einfach anwiesen, dat Energie för de lüttje Mann weer betahlbaar word. De Macht över wichtige Versörgens, so as dat Transportwesen, de Informationstechnik of uns Waterwerken kann man an sük rieten un weer in een Hand leggen.

KOLUMNE

Moin, Moin
Schrievers
allerbest
Pläseer
Smüstern

Spraa
moje
hoop
Vertellsel

Platt maakt



Insa Schindler gehört zum Team der Autoren, die die plattdeutsche Kolumne „Platt maakt“ schreiben.

So en König kann bestimmen, dat de Arbeidsbedingungen in Krankenhusen un Pleeeginrichtens düdelk beter wurden, dat disse wichtige un harde Arbeit as Bispill weer angemeten betahlt word un in uns Sellskupp dat Ansehn kriggt, wat se verdeent. Un en König kann sük daarvör insetten, dat weer genoeg Mesters an de Scholen kwammen, darmit uns Kinner wat lehren.

Man in Düütskland giff dat all lang kien Monarchie

mehr. De leste Kaiser muss 1918 ofdanken. In anner Staten in Europa finnt man noch Königen. Man hör Upgaav besteiht daarin, Haan to schüddeln, Anspraken to hollen of Inrichtens intoweihen.

De Pries, de se daarvör betahlen, is hoch: Noit bünd se för Fotokameras un Presseliü seker, de up de Söök na de nächste Schlagzeile bünd. So wurden ok de eerste 100 Dagen van König Charles III genaustens unner de Lupe nohmen. Wenn sien Penn bi 't Unnerschrievn leckt, weet dat sien Volk gauer as de Enkert drögen kann. Lohnt sük dat, up so en Upgaav söben Jahrzeihten to wachten?

Mit dat Amt van een Grötaugust wull sük Prinz Heinrich XIII van Reuß seker nich tofree geven. Daaröver, dat wi noit gewahr worden, wo en Königriek unner sien Regentskupp utsücht, bün ik van Harten blied. Good, dat sien Riek nu blot noch de paar Quadratmeters groot is, de hum in 't Backje tostahn. Man över sien Drömen blot to lachen, is grundverkehrt: Dat gäärt in uns Volk un dat is kien good Teken.